

# Jon

## ndê bapia titö-nga

### Yom whê bapia dindéc sa-nga

Namalac nanj to bapia dindéc, nanj sam dau bu 'ngac bata' danj, tòm ñamalac nanj to 2 Jon. Inj to bapia dindéc têñ ngac kêñ whin-nga danj ñaê Gaius.

Jon kêkinj lau ahenj-nga ñatô sêsa si bu sêkôm gwelenj sêwhinj lau sêkênj whin-nga tonj danj yêc gamenj Esia-nga. Magoc ngac danj ñaê Diotrepe kêñ kisa Jon ndê lau, ma kêmasuc lau nanj sêkôc lau dau sa, nanj su yêc gôlôwac dabunj dinanj. Jon to bapia dindéc tu puc Gaius dônj ma kêpinj inj bu inj puc lau ahenj-nga dau dônj.

#### *Jon to yom têñ inj ndê silip Gaius*

<sup>1</sup> Aô ngac bata dec, gato yom dindéc têñ Gaius, anenj silip. Hêclu dasap yom ñandô dônj, ma tu dinanj-nga dec aô atac whinj am kêlêc. <sup>2</sup> Anenj ngac atac whin-nga, aô gatenj mbec têñ Anötö bu yob am bu mbo ñayham enj, ma bu nem mbec am nem gwelenj honj, tòm inj yob am gatôm ñapep. <sup>3</sup> Asidôwai ñatô sêhóc asê aô, ma sêsôm asê bu am sa nem lêng kêkuc yom ñandô ñapanj, ma gêñ honj nanj am kôm, nanj puc yom ñandô dônj. Nac si yom dinanj kôm aô tac ñayham atu. <sup>4</sup> Têñ ndoc aô gangô ñawaê bu anenj balêkoc ñatô sêñsêlênj ti sêsap yom ñandô dônj, goc aô atac ñayham kêlêc.

#### *Jon kêpinj Gaius ndê mêtê nem lau sa-nga*

<sup>5</sup> O aneñ ñgac atac whiñ-ñga, am gêm asidôwai nañ sem gwelen ñawaê ñayham-ñga, nañ sa ñalêñ ñayham eñ. Am kêyalê lau dau muñ su dom, magoc têtñ ndoc ñac sic am kêsi, nañ am yob ñac ñapep. <sup>6</sup> Ñac sic miñ têtñ gôlôwac dabuñ yêc gameñ dindéc, pi am nem mêtê atac whiñ-ñga. Ñayham kêlêc bu am toc lau kainñ dinañ sa gitôm Anötö ndê lau akiñ, ma gêm ñac sa ña gêtñ tu puc ñac dôn têtñ ndoc sêñsêlêñ-ñga. <sup>7</sup> Lau dau sêsa tu Yisu ndê ñaê-ñga bu sênem mêtê, ma ñac takwê lau sambuc bu sênem ñac sa dom. <sup>8</sup> Ma tu dinañ-ñga yac lau dakêñ whiñ-ñga danem lau mêtê-ñga kainñ dinañ sa dandic ñawaê. Dakôm bocdinañ dec tôm yac dakôm gwelen yom ñandô-ñga dawhiñ ñac.

### *Diotrepe ndê mêtê sac*

<sup>9</sup> Aô gato yom pi lau aheñ-ñga dinañ têtñ am nem gôlôwac dabuñ su, tigenñ Diotrepe, ñgac nañ toc dau sa bu ñgac ñamata-ñga, nañ kôc aneñ yom sa dom. <sup>10</sup> Bocdinañ aô bu watêñ mac waloc, goc wasôm inñ ndê mêtê sac asê yêc lau sêkêñ whiñ-ñga honñ añgô-ñga. Inñ kêtgôlinñ yom sac pi yac, ma tec bu kôc asidôwai sa. Ma lau nañ atac whiñ bu sêkôc asidôwai sa, nañ inñ kalhac ñac ahuc, ma kêmasuc ñac su yêc gôlôwac dabuñ.

### *Anötö ndê lau sêkôm mêtê ñayham*

<sup>11</sup> O aneñ ñgac atac whiñ-ñga, kôm mêtê ñayham eñ, ma êmkuc lau nañ sêkôm mêtê sac, nañ dom. Asa nañ kôm mêtê ñayham, nañ meñ akêñ Anötö ndê, magoc asa nañ kôm mêtê sac, nañ kêyalê Anötö dom. <sup>12</sup> Lau honñ sêsôm yom ñayham pi Dimitrias, ma inñ ndê mêtê gitêñ tôc asê bu inñ kêtuc

yom ñandô. Ma yac bocdinañ bu apuc iñ dôñ têtñ am bu ñgac ñayham, ma am kêyalê bu yac mba yom iñ yom ñandô.

*Yom ñambu-ñga*

<sup>13</sup> Aneñ yom daêsam yêc bu wakêtñ têtñ am, tigen aö gatec bu wato têtñ am. <sup>14</sup> Aö gakêtñ batañ bu ñasawa saurñ aö oc walic am, ma hêclu dasôm yom añôñ pitigen. <sup>15</sup> Yom malô whiñ am. Am nem asidôwai nañ sêmbo dec, nañ sêkôm acsalô ñayham têtñ am. Ma ñac sêndac am bu sam yac mba asidôwai nañ sêmbo dinañ, nañ si ñaê, ma kôm acsalô têtñ ñac bocdinañ.

**Anötö ndê Yom Lêñsêñ Wakuc**  
**The New Testament in the Bukawa language of Papua**  
**New Guinea**  
**Nupela Testamen long tokples Bukawa long Niugini**

copyright © 2000 Lutheran Bible Translators Australia

Language: Bukawa

Translation by: Lutheran Bible Translators Australia

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2012-01-13

---

PDF generated using Haiola and XeLaTeX on 11 Nov 2022 from source files dated 9 Oct 2020

545e5ca3-1e95-59e4-8380-93951e023cf7